

嘉慶東流縣志

東流縣志卷之十八

安徽池州府東流縣知縣吳簾修

良吏傳

晉

陶潛字元亮大司馬侃之曾孫也祖茂武昌太守潛少懷高尚博學善屬文穎脫不羈任真自得爲鄉鄰之所貴嘗著五柳先生傳以自況親老家貧起爲州祭酒不堪吏職少日自解歸州召主簿不就躬耕自資遂抱羸疾復爲鎮軍建威參軍謂親朋曰聊欲絃歌以爲三徑之資可乎執事者聞之以爲彭澤令在縣公田悉令種

秋穀曰令吾常醉於酒足矣妻子固請種杭乃使一頃
五十畝種秫五十畝種杭素簡貴不私事上官郡遣督
郵至縣吏白應束帶見之潛歎曰吾不能爲五斗米折
腰拳拳事鄉里小人邪義熙二年解印去縣乃賦歸去
來其辭曰歸去來兮田園將蕪胡不歸旣自以心爲形
役奚惆悵而獨悲悟已往之不諫知來者之可追實迷
途其未遠覺今是而昨非舟遙遙以輕颺風飄飄而吹
衣問征夫以前路恨晨光之希微乃瞻衡宇載欣載奔
僮僕來迎稚子候門三徑就荒松菊猶存携幼入室有
酒盈樽引壺觴以自酌眴庭柯以怡顏倚南牕以寄傲

容膝之易安園日涉而成輒門雖設而常關策杖老
而流憩時矯首而遐觀雲無心而出岫鳥倦飛而知還
景翳翳其將入撫孤松而盤桓歸去來兮請息交以絕
游世與我而相遺復駕言兮焉求悅親戚之情話樂琴
書以消憂農人告余以暮春將有事乎西疇或命巾車
或棹孤舟旣窈窕以尋壑亦崎嶇而經邱木欣欣以向
榮泉涓涓而始流善萬物之得時感吾生之行休已矣
乎寓形宇內復幾時曷不委心任去留胡爲乎遑遑欲
何之富貴非吾願帝鄉不可期懷良辰以孤往或植杖
而芸耔登東隼以舒嘯臨清流而賦詩聊乘化而歸盡

樂夫天命復奚疑頃之徵著作郎不就以宋元嘉中卒
年六十三節晉書本傳按顏延年陶徵士議云實以議
華名由謚商苟允德義貴賤何算焉若其寬
衆令終之美好廉克一已之操有合謚典無愆前
志故詢諸友好宜謚曰靖節徵士 祀名宦祠

宋

汪奕字公偉績溪人哲宗初復詞賦取士奕試第三與
弟襄同登第爲東流令有書生上書觸目時忌上官欲
置之極形奕以爲狂疾宜寬其罪奏上果貸死上官以
書謝曰微君吾幾陷失入祀名宦大清一統志江南通
志引南畿志府志校
獻志
並同

明

楊季芳番禺人成化間舉進士除東流令單車至官覲
豪強者置諸法民皆畏服值歲飢旣徧賑又察鬻子女
者爲贖還之祀名宦

江南通志同
府志並同

向錦慈谿人宏治間由進士來令東流政尙平易庭可
張羅去官後民追思之祀名宦

府志同

李渾慈谿人正德間以進士授東流令值寧庶人叛沿
江騷擾無停役加意撫綏不事箠楚始修縣志文獻羣
然厯遷太僕寺丞邑人爲遺愛碑以頌之祀名宦

府志同

余初字復之號南山淳安人嘉靖初以舉人知東流縣
恩威並行值編審爲均里甲平徭役宿弊悉釐民感其

東流縣志 卷之二十八 三
德立祠繪像以奉之邑人柯燁為輯遺愛錄祀名宦

江南

通志同府志並同

陸芹餘姚舉人嘉靖二十三年令東流慈祥廉慎興學作士以神山外向改名拱北立碣以鎮秩未滿卒於官

祀名宦

府志同

鍾大賓字體嘉號嶺吾曲江舉人嘉靖中令東流有長才修廢舉陸量田平賦遷輦昌通判去之日民立祠以

祀之祀名宦

江南通志同府志並同

呂復衛輝人洪武中以國子生來任典史能勤其事善

撫民擢工部郎中歿祠名宦

明一統志江南通志引南幾志同府志並同

劉鎬象山人嘉靖中以諸生來任訓導博學惇行勤於
造士爲士大夫所推重邑令余初尤敬之時政利弊

多咨焉卒於官遠近痛惜諸生咸服心喪祀名宦府志同

杜異巴人成化中以舉人署教諭事學問純正敷教有

方士多賴以成祀名宦府志同

謝明番禺人正德中以舉人來署教諭持身清正敷教

勤懇士多成就嘗校四川鄉試輯本縣志後陞上杭令

夫之日諸生莫不流淚祀名宦府志同

章唐黃巖人成化中以舉人署訓導事性醇行篤文學

優長訓誨士子不吝提覺一時士風丕變焉祀名宦府志

同

蕭珮江西新淦人宏治中由舉人授東流令勤於政治
改建學宮又嘗於通津門外築堤栽柳護縣治至今稱
爲蕭公堤

府志同

鄭佑號印溪黃陂人進士嘉靖末謫授邑令興利革弊
講學訓士威德並行官厯尋甸太守

陳春字同字浙江仁和人萬厯初以舉人授邑令始建
城爲國藩屏爲民保障其他興利除弊之政無不備舉
遷工部主事去

劉鈐湖廣宜城人萬厯七年以恩貢授東流令治事勤

能存心清慎嘗開縣治街衢繫之以石設立社舍積穀
備賑東人賴之尋以清丈田畝有功委丈銅陵縣田畝
陞任去

府志同

蔣承勲浙江臨海舉人萬厯二十五年來知縣事政尙
風厲清廉愛民舊例里縣民催科必以朔望集縣有妨農
務乃革之設簿限期繳如期完者免至縣小民得以休
息後令多宗之任六年陞邵武郡丞

高射斗陝西寶鷄舉人萬厯間來知縣事政多聰察清
而能斷嘗建興文閣於祝家磯厯官楚雄府知府

楊喬春福建同安舉人萬厯三十年來知縣事清白愛

民居官廉潔俸入不能自給常稱貸以濟去官之日歸
鬻恒產償之陞平度州民立祠以祀

李希衛字大檀雲南舉人莅事勤敏清而能斷天啟間
任縣事四年以憂去民不忍忘建祠祀之厯官戶部主
政

余若南字郁六河南衛輝人崇禎己巳由舉人來任縣
事理繁治劇不畏強禦凡邑人之爲所見者輒識不忘
人不敢欺尋遷南京兆司理凡兩奉檄飭至邑盤查父
老稱觴送迎不忍釋官至龍安知府

許茂莘福建龍溪人崇禎間以進士來知縣事渾厚愛

民時無苛政營增築城垣以爲民衛尋調旌德令歷寧

國同知

府志同

周煥新浙江臨海人選貢辟舉來任縣事持躬俊爽治
事清閒時值歲歉賑饑恤民民多賴之尋以憂去

乾曰貞四川成都人由舉人來任縣事米俱載自蜀中
不繁不苛與民休息嘗賑饑數月盡出捐俸與邑士周
師文爲忘勢交論文講學不可稍干以私尋以憂去士
民立碑紀之

顏祿壽字天被湖廣巴陵人宏治中以安慶同知署縣
事政通人和自持以素於縣治東大路栽松數十里以

蔭行者後成茂林人號爲引路松

傅國材浙江舉人萬厯中任本府同知清廉自持兩署
縣事僅製葛衫一領而已

沈雲從浙江桐鄉人崇禎初由舉人任本府同知爲政
寬猛相濟時流寇自涇起闖入諸縣境內詳請勦之一
舉皆擒寇盜遂息尋攝縣事匝月案牘皆清

府志同

沈繩芳浙江嘉禾人選貢任本府判崇禎間攝縣事豈
弟慈祥去之日民建祠祀之

張問知山西人崇禎間以本府司理攝縣事廉能耿直
卒於官

程九萬湖廣人崇禎十七年由選貢任州守謫本府知

事來署縣篆月餘楚兵破城死之

大清一統志江南通志並同

祝文貴洪武初來任縣丞時儒學被兵燹傾圮莫治乃

重立於縣治東廣文教嚴士習邑人德之

府志同

徐希亮任典史勤勞著績熹宗時分建三藩每藩之國

舟過江城民夫任役者恒千餘人督慰多方民忘其苦

廖皞廣西桂林舉人正德中署教諭事文行足以式士

教化足以興賢以成進士入翰林

湯有光上元舉人萬厯中署教諭造士有方聘校鄉試

出其門者皆名雋人艷稱之厯遷瑞州知府

府志同

易時中福建泉州人嘉靖中由舉人來署教諭學問優長造士有方陞夏津縣知縣

汪時濟歙縣人占雲南籍以舉人署教諭敷教以寬接士以禮尋以憂去

沈聖揆吳縣舉人崇禎中任教諭勤於課士嚴於論文詩酒之間自饒風韻尋任都察院司務

賈域歲貢生崇禎十七年來任教諭楚兵破城全家殉

節

府志同

于國顯崇禎十七年來任訓導矜莊自持和易接物到

任數月楚兵破城全家殉節

以上二人未詳里居府志同

區朝

蘇宏謨遼東金州人順治六年以貢生來任邑令有強力善撫凋敝凡城垣廨舍學校倉廩皆修建而兵馬往來舊無驛遞出里甲供應宏謨力請于掾撫李公爲撥徽寧所轄六縣銀兩爲協濟之用復以餘銀買民田收其稻以養馬及後設官驛始停協濟而馬田至今存焉又創修縣志在任六載遷湘廣長沙同知歷貴州按察使士民思之不忘刻石紀德其詞曰竊聞德之人人深者雖愚必感澤之被物遠者雖久弗諼况尹茲殘土父母斯民出乎湯火之中加之稚席之上集於流離之後

錯以安全之謀大孰德而勿歌勿咏也哉是以古昔聖王凡里巷謳謠在所不禁何則其身受利病者既真則其心懷美譏者必摯任之所以達下情風上治耳我蘇侯初蒞吾東邑也民散未復時維孔艱侯擊楫而來矢心自盡凡一有愛人之舉必曰此余職也爾等戒勿稱積之兩朞而政備矣德之入人深而澤之被物遠矣侯猶厲精未艾戒民勿稱如疇昔雖然戒之誠是也顧吾儕小民以響其利者爲有德計自今雖欲承侯之心遵侯之諭勿稱而不可得且也勿稱於今而固已行於今侯之令聞不因是而減勿稱於今而無昭於後東人之

亦固不因是而忽乎抑吾儕尤有聞於此民牧之難非
牧民之難也牧民於旣凋之日與牧民於方復之秋之
爲難也方

聖天子定鼎中原南方初服潁江羈邑戎事日騷而我
東流則以乙酉兵炬之熾較諸邑爲更甚雖經前侯屢
招而金逆一起驚竄復然非有仁聲覃被未易來集此
一難也侯至而惻然憫之多方恩諭城市之間不旬日
而僦居者數百家可勿稱歟迄夫離散旣聚大兵日經
亡命健兒驅市人如虎浸假如前侯過之民有却走耳
此非又一難乎侯則躬爲調馭捐已貲以犒衆入戎壘

而制師恩威所至莫不震疊數年安堵疇庇之歟不可
勿稱也不寧惟是邑小而衝京省之差時至事繁而瘠
徵派之額日加開墾不聞而追呼方甚受壓未定而徭
役又興爲之民者趨之不能避之不可爲之主者惜之
不敢忍之不安藉令拘牽文義之儒當此有進退維谷
而已矧彼貪賄恃暴繭絲吾民者哉此則難之不管干
百者也侯乃四知自察三善克臻凡有綢繆率捐資竭
力以保障之凡有疾苦必申詳躬請以周卹之而興學
興行招農招商免贖緩清獄訟嚴私派革陋規一切撫
綏誠惻無所不至固前侯之所難知難行而吾儕之所

難期難見者也雖欲勿稱安能勿稱善乎朱藝祖之言
曰洞開重門如見我心侯之所以厯諸艱而無難者豈
惟其才足以勝哉蓋由其心光明洞達無一毫私曲故
人皆得而仰之爲德爲民令上下而咸慕也夫稱之則
必壽之壽之則先誌之月維秋季營室其中凡德澤之
可銘於後將禱祀乎萬禩者咸於是乎建之侯之德深
而澤遠及今不爲永圖以建祠勒石焉後將安式雖然
未可遽以白侯去秋合邑有建祠之議矣侯聞而力止
且厲聲曰余戒爾等勿稱何相悖至此茲舉也侯聞之
必復止之是終不獲稱矣吾儕其自行之盍自記之侯

諱宏謨字純武遼東遼陽人其實心實政不勝指敬綱
舉三十款列於碣之左一招撫遺黎一調御過兵一嚴
禁火耗一不派里排一不取行戶一不行罰贖一捐資
賑饑一詳請開銷一稅契無私一停徵胥民一墾闢荒
蕪一徵兌便民一裁減冗役一不留獄訟一嚴禁關節
一酌買官田一公均里甲一親理馬務一修理鬻官一
敦礪士氣一捐資營建一嚴飭胥吏一補葺城垣一嚴
行保甲一捐資修志一豁免所銀一詳請興革一痛革
八到一卹養貧苦一添舟濟涉

府志同
祀名宦

鄭國印康熙十八年任邑令嚴明肅穆辭色不稍假利

弊無不興革士民懷德畏威嘗捐俸置田以葺武廟至今戶名鄭助關

陳如升字龍昭直隸豐潤人康熙二十四年以例貢來知縣事賢能有爲廉靜寡慾每聽民訟多方勸息接見紳士恭遜有禮士民頌之

郭鴻文號大士開州舉人康熙二十八年任邑令剛正不阿惠愛羣黎一切興革判斷無不適中民隱以疾卒於官士民感恩不忘爲像以祀知府李顏其祠曰流風善政

府志同

劉應熙南陵人康熙三十三年任教諭凡八年潔已愛

士教育諄誠尤善獎拔士類化移鄉里陞山西壽陽知

縣去邑人刊立去思碑攀轅送之

府志同

譚閻言號瀧山廣東羅定州人由貢生任邑令清正廉能愛民重士見紳耆必詢閭閻疾苦發奸摘伏動若有神胥吏不能欺亦不忍欺也嘗捐俸置田四畝奇以祠陶靖節在任三載卒於官士民爲祠祀之

府志同

郭志道號魯亭涇陽人康熙五十三年以教職任縣令才能明敏敷政有法嚴饑極力請賑活全甚多民立祠以祀行取陞貴州清吏司主事

府志同

周疆字與封錢塘人康熙間任池州府同知攝東流縣

學宮修文教有政聲

見府志

張叔璉號鄰湖廣漢陽人由徽州同知來署邑事愛民勤政廉潔無私捐解積欠蘆課一千餘兩銅筋銀二百餘兩焚所積欠冊遇寒紉絮以給貧者建官橋築堤植柳至今頌之

府志同

李天柱字石峰號曉麓湖廣善化人康熙五十八年由舉人任縣令尊賢重士潔已愛民爲政清慎公平與民休息雍正元年詳請改建學宮並建太白書樓於菊江亭邑人比之召杜既陞信陽州守士民攀留奉其名位祀於青蓮座右越五年途出縣境百姓聞之爭相餉遺

凡十日牽輓行舟幾不能去

府志同

陸培字南香浙江平湖人由進士來知縣事工文進邑之士而課之爲定其甲乙邑之士奉若師焉

徐文炯號電岩浙江嘉善人以進士任縣事文才敏瞻識見精明士民戴之卒於官

萬紹熙字皞亭福建晉江舉人乾隆九年來任邑令清慎勤明甫蒞任卽修學官爲坊于學之左右挑浚儒林浦河捐築港口河堤倡建祝家磯天然塔開設天然書院培植文風士民感激以勤政卒官

府志同

郭維字秉鈞直隸武強舉人任邑令慷慨果毅公正無

乾隆四年案無積牘敦尙文學捐建菊江書院捐解
戶馬福二百八十餘石調任靈璧士民遮道焚香涕
泣不忍舍

府志同

張而化天長歲貢乾隆元年任訓導和平樂易不僞不
欺教育多士潔已真誠合邑愛戴移疾致仕邑人送之
者數百人

胡連上元副貢任績溪教諭失期降訓導乾隆九年來
任存心坦率倜儻不羈同官樂其和易多士沐其裁成
歿于官

以上舊志

蔣綬字若齋湖南益陽人乾隆十九年以舉人來任縣

事舉廢剔弊百姓德之舊有天然書院在祝家磯距城
遠肄業者多謂未便而菊江書院邇西城又市廛喧譁
之所也乃與邑士籌移於北仍名菊江日課督之一時
士風稱盛又設和義局以恤貧乏又以爲爲政者必審
境之山川道里戶口建置沿革興廢此數者莫備於志
志不具不可以爲政於是博採蒐討因舊志而增益之
凡二十六卷至今資考證焉

府志同

林一彪福建人乾隆三十二年來署縣事值水災詳請
賑恤多方以安民之被災者民咸德之去之日相率具
儀衛餞送者數十里不絕

廩貢江西廬陵人乾隆四十一年來任縣事管子石
下有新漲傳薪官洲長四十餘里地與彭澤界互相揭
控迄無定歸邑士金臺等呈請爲書院之資君乃疊詳
上官會同彭澤縣勘驗斷自管子石以上歸彭澤以下
歸東流爲菊江書院膏火訟以息士民頌焉

王超庶河南商邱人乾隆四十四年以廩貢生來任縣
事未幾以憂去民至今思之

甯汝欄安徽阜陽人拔貢生乾隆四十五年來任教諭
事邑人有侵學基者具詳上官仍歸於學在任五年士
受其益

陸壽昌江蘇陽湖人乾隆五十五年以舉人來任訓導
事時學宮久不修且正殿與崇聖殿不相屬乃倡捐整
葺之貢生孫繩祖首捐白金百兩鄉鎮並樂輸事以舉
董其事者監生陳啟沃鄒順昌楊維裕職員陳應濤也
工將竣而費竭監生張正灝繼成之君爲人勇且潔爲
文亦然訓誨士子娓娓不倦有以疑難叩者罔勿荅也
乾隆五十七年池郡考棚圯東流士人願修之而徵費
不至君慨然自任人知君之與其事也乃畢集乾隆五
十八年自任赴禮部試中式第十三名以知縣用未及
遷改卒於官

東流縣志卷之十九

安徽池州府東流縣知縣吳箴修
仕宦傳

明

馮應元號元江晉陽鄉人隆慶庚午舉于鄉任廣平威
縣令清慎愛民士民頌之陞戶部主事

檀觀維新鄉人宣德十年貢授永川令以廉靜治三載
當遷民歌曰食惟檀衣惟檀檀公去我飢寒詣闕乞晉
許之九載治行報最擢雲南按察司僉事歸囊止一石

人號爲清白石

江南通志同

徐福晉陽鄉人歲貢生任廣西布政司理問不阿上以
曲法寧棄職以直寬

金天民金連子歲貢生任蒲台令居官清介均田平役
興學勸俗著有成績因忤當道致仕歸囊橐蕭然蒲人
追思不置遠來繪像而去子泐渾俱以貢仕人稱爲清

白吏

江南通志
府志並同

江天濟城內人歲貢生任廣東長寧縣知縣清白自愛
民懷其德立祠祀之致仕歸日與隣里父老歡爲白首
之交

王之寵字忠來城內人歲貢生任安慶府訓導陞廣東

西寧縣知縣清白愛民尋致仕

馮良琛字獻子晉陽鄉人由例監積分官至襄府左長史以禮德佐其王楚中時用兵首輸餉民間向有地爲王府侵佔令悉追之其胥吏恃藩勢擾民者悉置之法朝諭嘉之加布政司左叅議

何一縉字虛白唐豐上鄉人孝友端亮由例貢授徐溝丞署壽陽和順徐溝三縣事公明廉惠所至皆祠祀之陞長沙衛經歷致仕歸周及貧乏歲飢鬻產市米以賑郡邑高其行誼敦與賓筵凡十一次年八十卒

汪文號鳳山唐豐下鄉人嘉靖七年歲貢以文名除感

東漢書卷之六
恩令遷廣西懷陽令陞雲南維摩州守廉節自持雅好
作人所至稱爲良有司後致仕家居邑令陳春延修邑
志勿遺勿濫文詞蔚然時人爭傳焉

金時中唐豐鄉人萬厯庚子舉于鄉任河南歸德府教
授陞江西萬年縣令子仲振厯戎行授都司猶子仲秋
晉太學給冠帶

檀大遼字毓吾唐豐上鄉人萬厯四十五年貢文詞古
穆邑令李希衛器重之任句容教諭居官一載端方訓
士砥勵廉隅卒於官

檀益字謙受唐豐上鄉人成化六年貢任江西贛州

歷祿躬清慎義事勤能陞通判

國朝

汪自潤字玉如號麓也晉陽鄉人順治五年選貢授山西絳縣知縣爲政寬平與民休息歷任九年政簡刑清案無留牘囹圄空虛擢行人司行人去之日絳人祖送者不絕于道至今謳思焉

李錦字念先號白生唐豐下鄉人順治十三年貢任浙江諸暨丞推陞江西新昌知縣寬平御人潔清自勵政多惠愛士民戴之立祠以祀

府志同

張命德字性卿號倚雲晉陽鄉人由歲貢任望江訓導

持躬謹厚正直謙冲在任數年士服其教致仕歸望江人祖送于花源鎮繪其景比之二疏

黃甲先字辛伯號陶江性孝友能文康熙中由歲貢任六合訓導勤懇課士造就多方一時科第悉出其門歲飢檄委賑濟弊絕恩周六人德之立祠以祀年九十卒著有長晉文集律陶詩集

王應文字炳漢號東籬孝敬友于和易瀟灑由選貢任太和教諭豫省議開太和清泥淺洩項陳沈鹿之水應文抗陳利害事得寢康熙間

詔見雍正十三年俸滿授湖北黃安縣引

見時書法精善

恩授雲南徵江府通判尋調江西建昌府通判歷著賢

聲致仕歸與鄉飲大賓

府志同

程明良字公亮維新鄉人由歲貢除如皋訓導謙和接
物勤慎持躬已故素稱材藝士服其教益樂就之

吳以麟字夢嘉號靜軒晉陽鄉人由府貢授安慶府學
訓導八載得士心推陞涇縣教諭致仕歸壽八十有八
章宸字楓際號麓園晉陽鄉人由歲貢授吳縣訓導性
樸直篤孝友里中有爭競者輒以理論多所感化在任
三年士皆敬服致仕歸卒於家

黃應樹字時湛號澹亭性篤孝內外稱之雍正中由歲薦授亳州訓導課士有方士皆悅服解組歸怡情松菊乾隆三年與鄉飲大賓壽八十三府志同

章標字巷雲晉陽鄉人以歲貢任沭陽訓導廉以持躬寬以訓士委勘災賑不濫不遺沭人德之

汪廷偉字殿賢晉陽鄉人由府貢任六合訓導老成和易訓誨有方在任八年卒於官

黃應松字夢徵一字兌陽康熙壬寅貢雍正乙卯授上元訓導監鍾山書院致政歸家居講學屏迹公門人皆敬之

馬士奇字子門晉陽鄉人負姿奇特落落不羣詩賦文詞出人意表訓誨諸弟有法度以歲薦任宿松訓導清正不阿同官欽服年七十七致仕歸宿人猶有餘慕焉

以上
舊志

章家麟字在郊號南圃維新鄉人乾隆三十六年中本省鄉試舉人五十二年大挑二等以教職用五十四年任五河縣訓導嘉慶十二年補授淮安府山陽縣教諭十四年委查山陽災賑時知縣李毓昌亦以委查災至山陽見賑務多弊欲發之其僕壽毓昌毓昌死事聞奉旨查明委員內有教諭章家麟同時查辦不特未經得

銀亦且核對戶口毫無浮冒於公事尚屬認真自應
量予恩施送部引見以知縣卽用於是年十二月初五
日引

見奉

旨着以知縣卽用十五年接任三水知縣

東流縣志卷之十九

嘉縣志卷之二十

安徽池州府東流縣知縣吳簾修

鄉賢傳

明

江得唐豐上鄉人永樂中由貢選授御史以剛直稱遷

按察司僉事卒祀鄉賢

江南通志載
江續府志同

周昌維新鄉人幼穎異博覽羣書為文援筆立就時人

稱之曰周一掃蓋言其速也景泰四年舉於鄉任荊州

府通判為政有清白聲士民頌之卒祀鄉賢

府志載
文苑

宋邦輔字子相正德元年貢人太學嘉靖五年由進士

授行人擢監御史

又任山西巡撫御史見山西通志

嘉靖十一年冬

星見詔求直言御史華亭馮恩備指大臣賢否而極論

張孚敬方獻夫汪鋹之奸帝怒逮恩究主使榜掠瀕死

無所指惟言御史宋邦輔嘗過南京談及朝政遂并逮

邦輔獄具落職歸躬耕養親妻操井日子給樵牧歲時

與田夫會飲醉即作歌相和高風動遠邇士大夫造其

門者屏輿從而後入卒祀鄉賢

見明史馮恩傳府志同江南通志入孝義傳舊

志以爲因諫大禮生馮恩黨落職井

王應乾字懷惺維新鄉人嘉靖中貢入南雍隆慶四年

舉於鄉五年成進士授中書舍人行取監察御史以與

張江陵不合轉外爲湖廣按察司僉事分巡長沙平洞
蠻有功遷山東巡道歷江西河南藩臬遷浙江右布政
使任滿遷湖廣左布政使凡歷九任咸著清勤居鄉尤
善至今人慕之卒祀鄉賢

江南通志載宦績
府志同以上舊志

國朝

李承祚字蔭餘城內人乾隆十二年中式本省鄉試守
程朱之學言行爲邑矜式乾隆三十七年大挑一等分
發福建任壽寧縣知縣居官一如居鄉清白之聲至今
傳頌

吳麟澤字淑五一字天膏號障川晉陽鄉人雍正元年

拔貢性穎異爲文深入漢唐弱冠見知於大宗伯吳文簡公引爲門下士生平務守宋儒語錄律已以嚴接人以恕又好獎借後進一時奉爲矜式

府志載文苑

吳麟占字孔武晉陽鄉人雍正十三年拔貢性至孝能文經史百家莫不貫誦爲人務博實行動合於禮有以非禮屈之勃然作色勿顧也好獎借士類遊其門者無勿悅服

汪思邇字金門晉陽鄉人乾隆六年拔貢考取國子監正黃旂教習選寶應縣教諭未及之任而卒爲人易直慈良爲文宏通淵博有請業者無不告之且詳一時當

重其人又重其文延請質疑者道相望也所著有周易贊義四書贊義四書觀義增訂周易尚書春秋詩經四書存說春秋集解及歷代帝王紀要尅擇品元古文質義河防曲臺存說有吾堂詩文集地理薪傳凡百餘

卷

府志載
文苑

檀振大厯豐上鄉人乾隆十三年歲貢純于持已工于屬文任五河縣教諭士子無不悅服蓋其爲教實能先率以身故遊其門者多成材焉

周揚烈字含粹維新鄉人乾隆十八年拔貢質行不苟望重名敎乾隆二十三年知縣蔣綬纂修邑志令邑人

公舉有品學者咸稱揚烈無異詞

章雲集字作霖維新鄉人增廣生品行純潔學問淵雅
平居惟以造就後學爲任出其門者多克有成至今稱
之皆以爲持已接物未易及也

陳肇彩字華羽唐豐下鄉人乾隆三十九年歲貢持躬
不苟講學論道務得其原言行必合之古人有不合勿
行也四方聞其名者咸來就教罔弗敬服

東流縣志卷之二十

東流縣志卷二十一

安徽池州府東流縣知縣吳玠修

忠節傳

明

王家鐸城內人崇禎初以恩選授福寧州同知尋居父
憂未之官爲人謹厚敦行誼不入公門楚兵陷城死之
章美煥維新鄉人崇禎十五年舉于鄉爲人曠達高岸
不設城府十七年楚兵破城殉節

以上舊志

國朝

浦寶光字猷珍其父忠武自無錫遷東流遂爲東流人

乾隆三十九年遵川運例捐從九品分發湖北試用補
施南府宜恩縣乾勵司巡檢歷署利水縣縣丞乾隆六
十年居母憂值邪匪滋擾奉留辦軍需殺賊陣亡奉
旨加等議卹吏部議照四品以下給與雲騎尉世職三
次俟襲次完時予以恩騎尉世襲罔替當奉兵部議卹
賞銀一百兩並奉禮部議奏奉

旨准給全葬銀一百兩致祭銀六兩行查籍貫事蹟咨
呈翰林院立傳製造牌位入祀昭忠

東流縣志卷之二十一

東流縣志卷之二十二

安徽池州府東流縣知縣吳旉修

孝友傳

明

張春宏治元年貢生父早逝事母至孝母病湯藥必親嘗每夕稽首于庭以祈母壽至性純篤至今稱之

府志同

陳廷相邑庠生本姓鄒父鄒琥沒遺腹生廷相廷相生四歲而其母夏氏復亡祖父母育之至長廷相自傷孤子痛自刻厲孝事其祖父母祖父母沒哀慟幾絕處異母兄尤敬愛祀孝弟祠

府志同

宋益宗八都人宋果子母周氏早喪宗事繼母至孝父
年八十臥疾宗焚香告天陰割股爲羹以愈之鄉里咸

稱其孝祀孝弟祠

府志同

邢守義三都人邢廷枝養子也年十七繼母劉氏病亟
義伺父出割股和藥進母病瘳人稱其孝祀孝弟祠

府志同

張案母病刲股和羹進病愈案病其子有祐亦爲之割
股人以爲一門積孝

府志同

蘇光翰晉陽鄉人事親以孝聞兩刲股以俞其親至性

肫誠人共稱之祀孝弟祠

府志同

宋楨下關坂人早孤事孀母至孝母病割股愈之知縣

高射斗李希衛咸以額旌其門祀孝弟祠

府志同

洪國召青峯嶺人事繼母以孝聞祀孝弟祠

陶養賢唐豐上鄉人以孝行旌祀孝弟祠

府志同

江有鯉唐豐上鄉人以廬親墓旌祀孝弟祠

府志同

陳嘉心字若初唐豐上鄉人以理學稱事繼母極孝待

異母弟最友愛著有世鑑篇二卷年七十卒祀孝弟祠

府志

同

黃如璋字季輝永清坊人性懇至持身端謹孝友型俗

以上壽終

府志同

黃如袞號心元永清坊人賦性簡淡篤志經史少孤事母至孝天啟初恩選入南雍下帷數載不與外接雖貧未嘗干謁當道未仕卒

府志同

何一澄字念鞠唐豐上鄉人生有至性事親以孝聞事叔父母如父母幼竒慧讀書以古人自期萬厯三十一年舉于鄉以攻苦成疾卒人咸嘆惜

張心德事孀母曲盡歡母病祝矢願以身代邑令余若南以儒林孝士顏其門

何希良字雙溪素誠慤弟歿撫孤如已子歲凶質產市穀以濟族人之無食者生子三一純一縉一維皆以好

華稱祀孝弟祠

舊志載篤行
今從府志

國朝

汪濟澗字觀澗晉陽鄉人天性孝友而未嘗讀書也家貧竭力孝養得父母歡心父病痿四肢不舉躬負出入十五年如一日崇禎末戎馬往來負匿深山卒無恙教育幼弟不遺餘力及老以庭之上者與之已無私積里黨中至今稱之

夏文燦城內人家貧蔬圃爲業事父母曲盡孝養父歿質身以備棺廬墓左右母病痿臥席十七年事奉湯藥未嘗少懈母卒亦廬墓時稱純孝

王思忠字盡臣河街人貢生謙冲和易與物無忤家貧自給不與城市事性篤孝事父母得歡心嘗食滌器必以身親至老無異

吳繼萼晉陽鄉人事親以孝聞母張病劇服藥罔效默禱于神刲股和藥進病愈年八十餘卒

府志同

吳振麟字公族晉陽鄉人性孝友敬宗收族樂善好施康熙二十一年弟振新室火家業一空振麟復分給之三十二年歲饑捐米助賑邑令郭鴻文額其門曰好義樂施又襄建宗祠謀享祭費立約議遠近稱之卒年七

吳元禧唐豐上鄉人韶年失怙善事慈幃母病侍湯藥
日夜不懈執喪廬墓泣血三年未嘗見齒撫育兄弟之
子視同己子孝友彰聞聲動鄰邑遠邇交口稱之

徐元績唐豐上鄉人父早逝事母以孝聞

徐應德兩割股愈親疾咸稱其孝

府志同

陳景唐豐上鄉人康熙二十一年與弟冒過獨尖山虎
攫冒入林中景奮力搏虎虎死冒得生至今人稱之

府志同

祝宗旺幼失怙採樵供母及長溫清朝夕得母歡心母
病嘗藥祈神願以身代母死質身爲僕以其資脩棺營

墓焉人稱其孝

汪度涵性友愛延師課其姪九載不憚貧乏乾隆元年兄陷縲絏度涵奮以身認免兄而代受其責人咸稱之劉守一唐豐上鄉人孝友成性事父母能得歡心親沒墓祭如禮

劉允星性至孝母李氏病危割股以進旣歿廬墓知縣

郭鴻文知縣張琢並旌其門

府志作劉映星

龐綸淳制行謹飭父病篤割股和羹進父愈人以爲難

府志同

張青錢字光瑤性至孝能文章父病割股愈之父歿哀

毀三年未嘗見齒人稱其孝

府志同

歐陽璿孝友雍睦五世同居年八十八卒

吳徵鏡晉陽鄉人性友愛與兄弟同居食無間言教諸子成立無吝資扶困濟窮遠近受其德又捐修石橋石路費過千金死之日聞者咸傷悼焉乾隆八年舉鄉飲

介賓

府志舊志入義行傳

張明啟父病侍湯藥不忍暫離左右父歿喪葬如禮廬墓盡哀人稱其孝

以上舊志

張士鴻割股愈親疾

見府志

吳應申字文在性孝友兄早歿寡嫂孤姪存撫備至每

歲暮于族黨貧困者量給米穀而昏喪必厚助之雍正元年捐修學宮後舉賢良方正以親老辭不就人高其行

舊志載篤行
今從府志

章廷樸字占鰲號碧山城南人秉性至孝父國泰病篤百計無效乃禱於神默割股肉和藥進父病愈家貧好施與見枯骸急掩埋之年四十七卒其母猶在堂也臨卒無他言惟囑其子曰善事祖母

傅規傳鶴母朱氏病亟皆陰割服以進母嘗餽而歿日夜呼號規以嘔血死鶴以絕粒死去朱之死不半月也先是朱之姑病未嘗割股以愈之識者以爲世濟其孝

云

馮長清字潤恬歲貢生事繼母潘氏至孝母病親嘗藥餌齋肅禱天祈以身代鄉里至今稱之

何應湖上鄉人孝事繼母友愛昆季

何之珠上鄉人孝友性成貧而好義

生員高容母楊氏病甚容割股和湯藥進母病愈終身不露體恐人見其痕也

馮啓舜字玉冰晉陽鄉人廩生少失怙事母至孝母疾禱以身代母死哀毀成疾撫弟友教子慈鄉人稱之

王道平監生幼業儒性至孝父病百藥勿效慨然曰人

子不可不知醫乃求靈樞難經日夜誦之術以精父病亦愈

馮明晰邑庠生事繼母孝有幼弟善撫之同居五十餘人無間言

徐尙周晉陽鄉人邑庠生家貧好學事母能得歡心鄉里咸稱之將死囑其妻勿哀恐增母戚也

張青選邑庠生嘗割股以愈父病

章變奇家貧事母孝母病篤割股和藥進病愈

劉逢元上鄉人廩膳生性孝友能文章士林重之

唐咸仰維新鄉人增廣生品端學邃孝事後母親奉甘

旨母沒廬墓里人稱之

東流縣志卷之二十二

東流縣志卷之二十三

安徽池州府東流縣知縣吳篪修

文學傳

明

金宗範字洪治晉陽鄉人家雙河因號二水居士舉萬
曆十三年鄉試署望江縣教諭天性孝友行操清正工

詩詞善草書幅字千錢時人寶之

江南通志同
府志並同

黃正氣字廻瀾秉性剛方沉酣典籍歷官定陶教諭臨
江府教授遊其門者多知名之士致仕歸訓子孫有法
度八十五卒

汪叔度字千之晉陽鄉人性穎敏工文年十一補博士弟子十五食廩餼名聞大江南北時東鄉艾南英亦以文名時人稱兩千子焉年三十二卒所著多散失
何一綵邑廩生以博學篤行爲士林所推重

周師文字我師浩邛人性敏好學補博士弟子員試輒前列邑令乾曰貞與爲忘勢交尤好獎掖後進行高學古之士多出其門年未五十卒聞者悼歎之

黃元輔唐豐下鄉人廩貢生舉天啟七年鄉試爲人襟期豪邁文思超卓詩古文詞脫草達近競傳誦之

國朝

恩字予淑唐豐上鄉人幼穎敏博通經史膺恩選
爲理學名儒邑令蘇宏謨聞其名敦請纂修縣志操行
潔白屏迹干求樵居雙河授徒以老

府志同

胡應銓字簡臣維新鄉人康熙十一年選貢讀書五行
俱下淹通羣籍爲文洋洋灑灑自成機杼一時能文之
士爭就正之

汪宗海字二東晉陽鄉人康熙十九年歲貢倜儻不羈
讀書一覽數行性嗜學至老不倦所著有夢松詩集

汪之連字若木號玉華晉陽鄉人康熙三十三年歲貢
性肫誠寡言笑動止莊敬不苟讀書以體認名理敦崇

實行爲宗年十四補弟子員十五食餼試輒冠軍三十
八例得貢以父疾辭不赴閉戶研經足跡不履城市遊
其門者皆知名士年五十八卒諸弟子咸執喪焉府志同
李長澤字沐皇號容齋城南街人康熙三十七年拔貢
孝友端正理學貫通文行爲鄉邦所推重

龐旭字旦先唐豐上鄉人生平謙冲和易與物無忤讀
書山澤中足跡不履城市爲支不拘一格務以識理爲
宗遊其門者多得成就康熙三十七年歲貢

宋廷鑑字冰若維新鄉人康熙四十一年歲貢性沈靜
寡言笑讀書以沉潛入理爲主爲文與衍沉華碑極精

思督學使者得其文恒嘆賞不置

李長潤字維久唐豐下鄉人康熙四十三年歲貢負姿
英特磊落不羈士林重之

馮漁字綸叟號澳園晉陽鄉人天性英敏工文辭善正
書慷慨詆諧不與物忤雍正元年改建儒學贊襄勤能
始終不怠康熙五十五年歲貢未仕卒

馮寧字獻吉號川園晉陽鄉人邑廩生稟性和平正直
不苟幼失怙恃兄宣薦誨之友愛彌至善琴工筆札詩
賦文章膾炙人口及貢以疾卒所著有春池唱答詩子
苞字竹似性孝友好義遊京師詩賦爲當事引重以邑

庠入國子監授職州判

府志同

朱之灼字見三號耀皇唐豐上鄉人雍正六年歲貢幼聰穎過目成誦讀書務實行不屑屑以時藝見長弱冠補弟子員試輒高等好獎拔士類遊其門者率有名

府志同

葉挺秀字允升維新鄉人雍正八年歲貢性樸實不屑與人爭勝負爲文清新俊逸士林重之督學使者每稱爲叅軍開府並擅其長云

高暉字元曙號石介晉陽鄉人雍正十年貢秉性和易拓落不羈善詩工書尤工文詞雅好音律每過知己放

飲酒瀟灑有晉人風

汪雲字先漢幼聰俊倜儻不拘爲文輕清秀逸十五補弟子員尋食餼試輒優等乾隆元年貢

張應麟字玉書晉陽鄉人乾隆三年歲貢幼隨兩兄讀書蕭寺痛自刻厲性剛直無婉容人不能干以私爲一鄉所敬憚

汪文燕字方說號松坡晉陽鄉人乾隆五年歲貢樸誠謹厚工文下筆千言立就教授生徒英雋多出其門下卒年七十有九

歐陽蘇字調資晉陽鄉人乾隆七年歲貢少有文名試

輒高等閉戶授徒不與外事一時遊其門者多所成就
選錫山縣訓導年六十餘卒

馮有譽字克仲晉陽鄉人性樸納不飾華藻爲文清新
俊逸士林重之康熙五十七年歲貢

何爰然唐豐上鄉人性敏嗜學有文名順治九年知縣
蘇宏謨纂修邑乘與陳淑思分編典物人多稱之

周樂字次韶維新鄉人品行醇謹凡睦姻任卹之事知
無不爲讀書務切實去浮華疾革猶手披近思錄不輟
一時英俊多師之

危映宿字分九晉陽鄉人性和易能文章試輒冠其曹

族兄映壁籍貫池舉康熙戊午科鄉試著東園詩集人

稱危氏兩賢

以上舊志

王大受字德容城內人廩膳生資性聰敏讀書目十行
下教授生徒誨迪不倦後進多樂從之遊恬退不急仕
進雅以經史自娛又善書古撲道勁有晉唐法度以廩
膳生終

金廷澐字哲文城內人乾隆十八年池州府學拔貢生
爲文不假思索蕭灑有奇氣人共師之

汪大正字應堂城內人嘉慶元年歲貢生博極羣書尤
善屬文學使者多知其名屢拔前列生平潔已自持無

能下以私事遠近皆奉爲楷模從學者稱極盛焉

何應官字園水上鄉人乾隆三十五年歲貢性好學家貧日不給裕如也乾隆六年應本省鄉試主試官極稱其文以額滿見遺識者爲之太息

龐鞠字宏遠上鄉人廩膳生穎異好學弱冠能文學使趙鹿泉名佑素以文名一見奇之極賞歎爲刊以行歐陽國華字履仁晉陽鄉人廩膳生善爲文任意所之自與法合嘗曰文成法自立文不足以盡法則有之舍法又何以言文耶

汪鴻文字大章晉陽鄉人廩膳生嗜學不倦人有以非

鹿于者勿顧也家貧授生徒以自給零陵蔣鳳色任邑事待其文亟稱之延入署中日夕論議期許特甚旋以疾卒所著多散失不成編

吳原漢字錦濤晉陽鄉人乾隆四十八年副榜貢生穎敏嗜古積學敦行爲文長于博麗而不傷於繁爲詩亦然學者多稱之

吳原潞字滇江晉陽鄉人乾隆五十八年歲貢生平生無他嗜絕好詩古文詞每聚成人爭傳誦屢荐未售淡如也所著散失不成編

張如榜字蜚皇晉陽鄉人性敏好學弱冠補縣學增生

爲文端嚴雋雅有大家風負笈擇師不憚千里嘗肄業于江寧鍾山書院同人莫能先之未幾卒于江寧

劉運洪維新鄉人廩膳生博通書傳以能文見稱于時有問難者隨叩隨答無少滯莫不歎服

葉必選維新鄉人增廣生學深養邃下筆數千言不假思索諸生請業者無不造就有成

傅歲慶下鄉人乾隆十七年歲貢生性嗜學以能文稱家居授徒不急仕進四方聞其名而負笈就正者踵相接也

李瑞祚字紳佩下鄉書田人性遲鈍嗜學不俗建書屋

數櫛度藏秘書手批校之寒暑不間爲文沉毅肫摯爲人亦然學者多師之以廩膳生終

汪有則晉陽鄉人廩膳生幼好學奮志詩書尤精書法一時奉爲模範

東流縣志卷之二十三